



ワ

~16  
4035  
12





Faint blue ink text within a rectangular border, likely bleed-through from the reverse side of the page. The text is arranged in vertical columns and is mostly illegible due to fading.



The right page of the book is mostly blank, showing signs of aging and discoloration. There are a few small dark spots and faint smudges, but no legible text or stamps.

物研圖書  
No. 29 117  
29. 9. 9  
教 研

~16  
4035  
12

< 99-128 >



唐韓昌黎集卷第二十三

明馮李蔣之翹韓注



祭文

袁州祭神文三晉

一、本晉篇題祭城隍  
文次題祭仰山神祈  
爾文次題又祭仰山神文元和十一文  
年夏作○三作悉簡致是古人古直  
朴渾之文有如此  
今人類不為也

維年月日袁州刺史韓愈謹告于城隍神之

靈或無袁刺史無治行無以媚于神祇以上

無字下同天降之罰以久不雨苗且盡或無刺史雖得

韓昌黎集卷第二十三

一

罪百姓何辜有罪下或有不應重出又未必不因其上句已

而誤也宜降疾咎于某躬身或無躬字○國

令鰥寡蒙茲濫罰謹告謫靡王躬身

維年月日袁州刺史韓愈謹以少牢之奠祭

于仰山之神一統志仰山在袁州府城南郡

望而不可曰神之所依者惟人人之所事者

惟神只一語起今既大旱嘉穀將盡人將無

以為命神亦將無所降依不敢不以告若守

上負罪宥被疾殃於其身百姓可哀宜蒙恩



閱以時賜雨使獲承祭不怠神亦永有飲食  
謹告

維年月日袁州刺史韓愈謹以少牢之奠祭  
于仰山之神曰田穀將成而神膏澤之百姓  
無所告而神恤之刺史有罪而神釋之敢不  
有薦也尚饗

祭柳子厚文

子厚以元和十四年十月  
潮即袁明年自袁名爲國子祭酒此  
文袁州作也故劉夢得祭子厚文有  
云退之承命改裝宜陽亦馳一函俟  
於便道其後序柳集又云凡子厚行

臣之大方有退之之誌若祭文在祭文蓋謂此也○人稱公與子厚交誼最深茲余觀平公為子厚作墓誌及祭文是自然如日非我知子子實命我亦然有微意豈退之以柳坐王文叔黨若江陵寄三學士詩同官盡才俊偏善柳與劉云云故有不滿之意耶

維年月日韓愈謹以清酌庶羞之奠祭于公

友柳子厚之靈維年月日一作維某年歲次庚子五月王寅朔五日景在

柳下或嗟嗟子厚而至然邪自古莫不然我

有君字又何嗟一、起灑然人之生世如夢一覺其間

利害竟亦何校當其夢時有樂有悲及其既

覺豈足追惟下、既覺同凡物之生不願為材

犧尊青黃乃木之災為或作謂非是○莊子

黃而文之其斷在溝中此犧尊於溝中子之

中弃天脫羈羈玉佩瓊瑤大放厥辭馬知立

○莊子連之以羈馬注馬絆也富貴無能磨

滅誰紀子之自著表表愈偉表表或作不善

為斷血指汗顏巧匠旁觀縮手袖間旁觀或

非子之文章而不用世乃令吾徒掌帝之制

子之視人自以無前一斥不復羣飛刺天或飛

非<sub>作</sub>嗟嗟子厚今也則<sub>作</sub>臨絕之音一何琅琅也則<sub>或</sub>徧告諸友以寄厥子不鄙謂余亦託<sub>作</sub>以<sub>或</sub>凡今之交觀勢厚薄余豈可保能承子託非我知子子實命我猶有鬼神寧敢遺墮<sub>或</sub>念子永歸無復來期設祭棺前矢心以辭嗚呼哀哉<sub>或</sub>無此尚饗

祭湘君夫人文

公以元和十文九年九月拜國子祭酒未幾離袁州時作按舜陟方灰於蒼梧二妃灰於江湘之間俗謂湘君湘夫人墓在岳州君山廟在洞庭口公所云泊舟祠下是也

維元和十文年歲次庚子十月某日朝散大夫守國子祭酒護軍賜紫金魚袋韓愈謹使前袁州軍事判官張得一<sub>此上四字或只作維年月日國子祭酒韓愈謹</sub>以清酌之奠敢昭告于湘君湘夫人二妃之神前歲之春愈以罪犯黜守潮州<sub>州或</sub>懼以譴<sub>或</sub>且虞海山之波霧瘴毒為災以殞其命<sub>或</sub>舟次祠下是用有禱于神神享其衷賜以吉卜曰如汝志蒙神之福啓帝之心去潮卽袁<sub>十四年十月自潮徙袁</sub>今又獲位

於朝復其章綬國子祭酒復賜金紫為退思

往咎實發夢寐凡世年於今乃合世或作三

但言前歲之禱則實發夢寐者但謂不致忘

前歲之吉卜耳此世字恐誤翻按說文廿二

十并卅三十并卅數名顏之推稽聖賦中山

何幾有子百廿退之孔幾墓誌孔世卅八祭

湘君湘夫人文凡卅年字統卅挿糞把皆讀

為一字後人直以廿為二十卅為三十卅為

四十一是一字而讀為二十字矣至有讀廿為奴

侏詳之廿音入夙夜休惕敢忘神之太在

伏以祠宇毀頓憑附之質丹青之飾暗昧

不圭不稱靈明頓一作損圭一作佳

也明也通作圭詩吉圭為儀韓詩作吉圭周禮蜡氏合州里除不蠲注讀如吉圭為儀之圭陸音日舊讀為圭呂氏春秋飲食必蠲高誘亦讀作圭此類非三今作佳由圭字誤也靈明或外無四垣堂陞頽落牛羊入室居作明靈

民行商不來祭享輒敢以私錢十萬修而作

之萬下諸本有祈舊碑斷折斷一其半仆地

文字缺滅幾不可讀謹修而樹之或無廟成

之後將求玉石仍刻舊文因銘其陰以大振

顯君夫人之威神以報靈德俾民承事萬世

不急惟神其鑒之尚饗

韓昌黎集卷之三十三 五

始將既修樹舊碑仍刻其文於新石因銘其陰舊碑石既多破落文不可盡識移之於新或失其真遂不復刻此四十二字石本附祭文後諸本皆有之或謂後人以碑本附入刪去非也此必公所自記故石本有之當次二字書之以附於此

祭竇司業文

竇名牟長慶二年在公嘗誌其墓此文公自稱兵部

侍郎則是年未使王庭湊前作也

維年月日兵部侍郎韓愈謹以清酌庶羞之奠祭于故國子司業竇君二兄之靈惟君文

行風於有聲江東魁然厚重長者之風一舉於鄉遂收厥功屢佐大侯以調兵戎調去聲曰予虞汝為郎中乃令洛陽歲且四終惟刑之慎掌正隸僮命守高平命副儒宮副或作制○唐澤州高平郡今屬山西為澤州高平縣朱衣銀象服以崇錫榮考妣孝道上窮官不滿能亦云達通踰七望八年孰非翁或作逾七八年孰非望公非是○竇卒年七十四在君無憾我意不充君之昆弟三以辭雄弟不人常牟羣庠鞏有聯珠集傳於世常字中行大曆十四年登第弟鞏字汝封元和二年登



刺史郎中四繼三同謂年序相繼

羣庠皆為之也於士大夫可謂顯融我之

獲見實自童蒙既愛既勸在麻之蓬作愛既或

非是○荀子勸學篇自視雜穀望君飛鴻

寇四十年餘事如夢中或本作事半如夢云

急詩周公不足夢與可以守至冲叶按其語

本議改當以重押中字之分宰河洛媿立

躬俱官於學以緘臨洪惠許不酬報德以空

許或作詩非是○惠許謂歿生莫接孰明我

上文愛勸而又稱許也

衷於祭告情文以自攻嗚呼哀哉尚饗

祭侯主簿文

此謂侯喜也或注繼字謂

侯喜作公貞元十七年與喜同復于

温洛嘗有詩云吾黨侯生字叔起呼

我持竿釣温水故此又有我釣我遊

莫不我隨之語嘗薦喜於汝州刺史

盧郎中又嘗薦之於陸員外修觀其

薦詞亦與此文惟子學今誰過焉

之意相表裏又公集中端有贈侯主

簿喜詩用是知其非繼而喜也其且

吏部侍郎韓愈即長慶二年自兵部轉吏部時作

維年月日吏部侍郎韓愈謹遣男殿中省進

馬侏退之諸子有名昶者長慶四年進士登

第小說中亦載其為集賢校理日符日

爽曰殿中省進馬雖載於集而他處不見唯符見於孟郊張籍詩中耳致祭于  
 亾友故國子主簿侯君之靈嗚呼惟子文學  
 今譙過之子於道義困不拾遺或作拾皆非  
 我狎我愛人莫與夷自始及今二紀于茲  
 我或為文筆俾子持唱我和我問我以疑我  
 釣我遊莫不我隨我寢我休莫爾之私朋友  
 昆弟情敬異施惟我於子無適不愛弃我而  
 灰嗟我之衰相好滿且少年之時日凡云亾  
 今其有誰上句或作誰不富貴而子為羈我

無利權雖怨曷為子之左或作左墓我左齋祠或作左  
 哭送不可誰知我悲嗚呼哀哉尚饗

祭竹林神文

公祭文二其一祭竹林神其  
 其二祭曲江龍皆以旱禱其  
 後賀雨表亦云季夏以來雨澤不  
 降臣職司京邑所禱實頻謂此皆長

慶三年為京尹時作也

維年月日京兆尹兼御史大夫韓愈謹以酒  
 脯之奠再拜稽首告于竹林之神曰天子不  
 以愈為愚不能使尹茲大衆二十三縣之人  
 今農既勤於稼有亩盈野而天不雨將盡槁

以農將無所食鬼神將無以為饗國家之  
 禮天地百祀神祇不失其常此字無惠天之人  
 不失其和惠天下或有下字此人字當為民  
 人又無罪何為造茲旱虐以罰也虐或在罰  
 將俾尹者不仁不明不能承帝之勅以化正  
 其下聞無香惟腥神于惠罰無差神于或施  
 罪瘠于尹愈身是甘是宜雨則時降神無爽  
 其聰明永饗于人無媿尚饗

曲江祭龍文

維年月日京兆尹兼御史大夫韓愈謹以香  
 果之奠敢昭告于東方青龍之神天作旱災  
 嘉穀將稿乃於甲乙之日依准古法作神之  
 象神農求雨書春夏雨日而不雨甲乙命為青龍又為火龍東方小童舞之丙丁不雨  
 命為赤龍南方壯者舞之戊己不雨命為黃  
 龍壯者舞之庚辛不雨命為白龍又為火龍  
 西方老人舞之如此不雨命為黑龍北方老  
 人舞之如此不雨潛處闔南門置水其外闕  
 北門取人骨埋之如此不雨命置水其外闕  
 暴之暴之不雨神山積薪擊鼓而焚之齋戒  
 祀禱神其享祐之時降甘雨以惠茲人時或  
 非急急如律令

祭馬僕射文

馬十二名總字會元扶風人退之長慶三年冬自京兆尹復為兵部侍郎又遷吏部侍郎其為京兆也有舉馬總自代狀今祭文稱吏部侍郎則總以是年冬死也

維年月日吏部侍郎韓愈謹以清酌庶羞之奠敬祭于故僕射馬公十二兄之靈惟公弘大溫恭全然德備天故生之其必有意將酬將昌實艱初試佐戎滑臺斥由尹寺貞元十四年四月以淮南仲鎮滑臺辟總為從事十六年監軍使薛盈珍誣奏南仲不法總坐貶為泉州司適彼甌閩餽餼跋躓餼餼列切餼音兀

而不得乃得其地陵易禾切于泉于虔始執郡符

遂殿交州抗節番禺殿都甸切番禺音潘禺去音愚秋官朝得碩士

其蟪蠹蠻越人蘇蠹或騰擢亞秋官朝得碩士

人謂其崇我勢始起東征淮蔡相臣是使

年十月以宰相裴度為彰義公兼邦憲以副

經紀淮西行營諸軍宣慰副使殲彼大魁

厥勳孰似丞相歸治畱長蔡師吳元濟誅總

義畱後奏改彰義為淮西十月以總檢

校工部尚書蔡州刺史充淮西節度使

苾黍稷簋實棘茨鳩鳴雀乳不見梟鳴惟蔡



吏裁側切奠以叙哀其何能致嗚呼哀哉尚饗

弔武侍御所畫佛文

或無佛字○武侍御一以為武少儀

謂公當為太學弔琴詩序少儀時為司業後以太常少卿兼御史中丞使南詔在元和五年一以為武儒衡據李翔集墓誌云故相鄭餘慶尹河南奏授伊闕尉及鄭公器字東都在元和五年間然姓氏及官御史皆同未和孰是然題曰侍御其文亦曰侍御後說若近之云云退之闕異端不遺力其武侍御畫佛事自應大不然之故此文特題一弔字及篇中以矣塞悲句甚有微意

御史武君當年喪其配歛其遺服櫛珥盤悅

于篋月旦十五日則一出而陳之抱嬰兒以

泣御史一作侍御側瑟切理乃吏切盤一作盤悅始鏡切禮內則成盤滋

縱并總注櫛梳也或云繁小囊鞞大帶也其說非是按儀禮士昏禮庶母及門內施鞞注

鞞囊也所以盛悅中然則繁鞞字通有為浮屠之法者造武氏

而論之曰是豈有益邪邪或作非是吾師云人必

則為鬼鬼且復為入隨所積善惡受報環復

不窮也環一作旋所極西之方有佛焉其土

大樂西下或親戚姑能相為圖是佛而禮之

願其往生莫不如意柳子厚永州龍興寺修淨土院記中州之西有

國曰身毒釋迦示現之地彼佛言曰西左有  
世界曰極樂佛號無量壽如來其國無三惡  
入難衆寶以為飾其人無七纏九惱羣聖以  
為友有能誠心大歸願生是土者苟能念力  
具足則往彼國武君慨然辭曰吾儒者其  
可以為是既又逢月且十五日復出其篋實  
而陳之無其篋或抱嬰兒以泣且殆而悔曰是  
真何益也吾不能了釋氏之信不又安知其  
不果然乎或無且字乎字或於是悉出其遺  
服櫛佩合若干種就浮屠師請圖前所謂佛  
者浮屠師受而圖之韓愈聞而弔之曰嗚呼

今日存丁寧兮耳言哲哲或忽不見兮不聞  
見下或有不有莽誰窮兮本源圖西佛兮道  
字或無兮字字乎歎以安寒悲兮慰新竟新上或嗚呼奈何  
兮弔以茲文有斯字

祭故陝府李司馬文

一本無故陝府二十

雍王會七世孫長慶元年  
二月卒詳見公所誌荊墓

維年月日守國子祭酒賜紫金魚袋韓愈謹  
以清酌之奠祭于故陝府左司馬李公之靈  
曰公學以為耕文以為獲發憤孤身復續厥

家孤或作若選于吏部亟以科進歷臨大邑  
惟政有聲惟或作績遂丞宗正日朝帝庭出輔陝  
都吏良僚慕子婦諸孫盈于室堂公姑悅喜  
又福具有始或作姑非是大夫士家孰不榮美如何  
不常以至大哉嗚呼哀哉愈以守官不獲躬  
送昏姻之好以哀以悲敬致微禮公其歆之  
歆或尚饗

祭十二兄文

十二兄公之從兄也為  
魏州司戶以元和元年六  
月遂卒號州即其年九月葬于州十  
里文所謂歸女教男反骨本原公

蓋有異時歸墓于先原之意云○家  
寡數言總見至情所謂銷魂處正不  
在多也

月日從父弟某官某乙謹以清酌庶羞之尊  
敬昭告于十二兄故魏州司戶府君之靈  
嗚呼維我皇祖有孫八人公之皇祖曰獻  
字史有孫八人其孫日會日介日愈日俞日岌  
見於世系表及公集者在此三人耳又有弁  
者以殿中侍御史歿於平涼惟兄與我後歿  
之盟其二人則無所歿見孤存奈何於今又弃而先於今且生不偕居  
疾藥不親歛不摩棺瘞不繞墳趨奔束制生



歿<sub>カ</sub> 虧<sub>ク</sub> 恩<sub>ニ</sub> 本或作歸 女<sub>ヲ</sub> 殺<sub>シ</sub> 男<sub>ヲ</sub> 反<sub>シ</sub> 骨<sub>ヲ</sub> 本<sub>レ</sub> 原<sub>ニ</sub> 其<sub>レ</sub> 不<sub>レ</sub> 有<sub>ル</sub>  
年以補我愆長號送哀以薦此文尚饗或有

祭鄭夫人文

夫人韓會之妻而公之嫂也公少孤而育于其嫂文言其俯首之恩至矣公既為之服甚而祭之以文此貞元十年往河陽時作公祭鄭夫人文則知鄭嫂之視公如少公亦視嫂如母也語語驚心推見豈僅求工在句調間

維年月日愈謹於逆旅備時羞之奠再拜頓首  
坡昭祭于六嫂榮陽鄭氏夫人之靈

一本作貞元九年歲次癸酉九月朔日或無謹於二字 嗚呼天禍我家

降集百殃我生不辰三歲而孤

蒙幼未知鞠我者兄

在然而生實維嫂恩未亂

官禮未亂者不為奴注男八歲女七歲而亂

提攜負任去洛居秦念寒而衣念飢而殮疾

疹水火無災及身

庸年方及紀荐及凶屯兄懼讒口承命遠遷

遠或作南舊史大曆十一年又月起居舍人韓會坐宰相元載黨與貶為韶州刺史退

之是時年十一從至貳所復志賦謂窮荒海  
 當歲行之未復從伯氏以南遷是也  
 隅天闕百年萬里故鄉幼孤在前相顧不歸  
 泣血號天微嫂之力化為夷蠻水浮陸走丹  
 旄翩然至誠感神返葬中原會卒于韶州年四十一公從嫂氏歸葬河陽故李漢集序云先生生于大曆戊申幼孤隨兄播遷韶嶺兄卒鞠於嫂氏辛勤來既克反葬遭時艱難百口偕行避地江  
 潰口或作日今按百口偕行殊為無理然或疑以祭者成文有就食江南零丁孤苦之語又疑不得有百口不知此亦通良賤而言屬門之多耳未必實計百人也當從口為是○建中二年中原多故退之避地江左即復志賦所謂值中原之有事今辨就食於江南是

也時公家于宜州春秋霜露薦敬蘋蘩以享韓氏之  
 祖歿曰此韓氏之門視余猶子誨化諄諄爰  
 來京師年在成人屢貢于王名迺有聞貞元二年  
 公自宣州念茲頓頌非訓曷因頓或作鈍漢書陳平傳土  
 之頌頓嗜利無耻者頌頓頌曰鈍感傷懷歸隕涕熏心苟容  
 躁進不顧其躬祿仕而還以為家榮奔走乞  
 假東西北南孰云此來迺賭靈車有志弗及  
 長負殷勤嗚呼哀哉咎在韶州之行受命于  
 元兒于或於曰爾幼養于嫂喪服必以暮今其

敢忘天實臨之貞觀中魏徵令狐德棻等議  
 提孩之叔劬勞鞠養情若所生分飢寒其則  
 闕借老其在生也愛之同於骨肉及其死則  
 推而遠之求之本原深所未論且事嫂見稱  
 載籍非一鄭仲虞則恩禮甚篤顏洪都則竭  
 誠致感馬援則見之必冠孔汲則哭之為位  
 察其所尚豈非先覺嫂叔舊無服今請服小  
 功五月制可必幼養於嫂服墓以報可為士  
 大夫之法矣李漢序公文集及李習之狀亦  
 云嗚呼哀哉日月有時歸合塋封終天永辭  
 絕而復蘇伏惟尚饗

祭十二郎文

老成率府參軍韓介之子  
 也介一子曰百川曰老成  
 起居舍人會無子以老成為後老成  
 生湘滂百川死公乃命滂歸後其祖

介公及會介皆仲卿子至是會介百  
 川皆歿矣故文云吾上有三兄皆不  
 幸早世承先人後者在孫惟汝在子  
 惟吾又云去年東野往吾書與汝蓋  
 貞元十八年有送東野序是必為十  
 九年作矣○昔人云文須有為而作  
 蓋情之所及自然流為至文如退之  
 祭十二郎一篇字字是血字字是淚  
 未嘗有意為文而文無不工此所以  
 為奇也劉辰翁曰讀如此文雖千載  
 之下尚可招魂復起樊汝霖曰斯文  
 蓋公所謂喜往復善自道者在當時  
 無對後二百七十年歐陽文忠公為  
 其父作瀧岡阡表始足以追配安子  
 順日讀諸葛孔明出師表而不墮淚  
 者其人必不忠讀李令伯陳情表而  
 不墮淚者其人必不孝讀韓退之祭  
 十二郎文而不墮淚者其人必不友

茅坤曰情意刺骨祭文中于年絕調郭正域曰滿眼涕洟無限傷神情真

真諦

年月日一無日字或作貞元十年九月二十六日季父愈聞汝

喪之七日乃能銜哀致誠使建中遠具時羞

之奠告汝十二郎之靈一本郎下有子字按郎子是當時語此雖

不必存亦不嗚呼吾少孤及長不省所怙惟

兄嫂是依中年兄歿南方吾與汝俱幼從嫂

歸葬河陽既又與汝就食江南零丁孤苦未

嘗一日相離也事悉詳祭文吾上有三兄皆不

幸早世承先人後者在孫惟汝在子惟吾兩

世一身形單影隻嫂常撫汝指吾而言曰韓

氏兩世惟此而已汝時尤小當不復記憶吾

時雖能記憶亦未知其言之悲也樓昉曰文字字反覆曲折悲

痛癢惋道出吾年十九始來京城其後四年

而歸視汝又四年吾往河陽省墳墓遇汝從

嫂喪來往上去或又二年吾佐董丞相于汴

州汝來省吾止一歲請歸取其孥相下或有幕字○貞

元十三年董明年丞相薨吾去汴州汝不果

晉帥汴州

來是年吾佐戎徐州是歲秋張建封使徐州節度推官

取汝者始行吾又罷去汝又不果來佐上或

者上或有使字○十六年又吾念汝從于東有又字

東亦客也不可以久圖久遠者莫如西歸將

成家而致汝或上句非是嗚呼孰謂汝遽

去吾而歟乎謂或作爲而下或有先字○自

不常卒不可合而遽成意只是吾與汝俱少

年以為雖暫相別終當久相與處故捨汝而

旅食京師以求斗斛之祿誠知其如此雖萬

乘之公相吾不以一日輟汝而就也去年孟

東野往吾書與汝曰吾年未四十而視茫茫

而髮蒼蒼而齒牙動搖一本茫茫作荒荒云

視荒荒本此今按古書如荒忽落忽之類本

一字意義多相近者存之○仰伯温曰文用

助字椰子厚論當否不論重複檀弓曰南宮

絳之妻之姑之喪退之亦曰吾年未四十而

視茫茫而髮蒼蒼而齒牙動搖近念諸父與

諸兄皆康彊而早世如吾之衰者其能久存

乎存或在吾不可去汝不肯來恐且暮歿而汝

抱無涯之戚也去或知孰謂少者歿而長者存

疆者天而病者全乎嗚呼其信然邪其夢邪或無其夢邪三字其傳之非其真邪信也吾兄之盛德而天其嗣乎汝之純明而不克蒙其澤乎少者疆者而天歿長者衰者而存全乎未可以為信也夢也傳之非其真也非上或有者字○全作疑信之離言其不應歿而歿卒歸東野之書耿蘭之報何為而在吾側也嗚呼其信然矣吾兄之盛德而天其嗣矣汝之純明空業其家者不克蒙其澤矣業或作榮所謂天者誠難測而

神者誠難明矣明或作得非是所謂理者不可推而壽者不可知矣壽或作年雖然吾自今年來蒼蒼者或化而為白矣蒼下或無者字動搖者或脫而落矣毛血日益衰志氣日益微幾何不從汝而歿也志氣或作氣志歿而有知其幾何離其無知悲不幾時而不悲者無窮期矣汝之子始十歲吾之子始五歲少而疆者不可保如此孩提者又可冀其成立邪十或作三按老成二字日湘日滂滂以三季子出繼則湘固定十歲也○汝之子始十歲謂湘也吾之子始五歲謂祖也其後湘登長慶二

年第和登四年第和生縮衣縮成通四年衣  
 七年進士天之所以是韓之後如此孰謂不  
 可冀其鳴呼哀哉嗚呼哀哉汝去年書云比  
 成立耶耶得軟脚病往往而劇此非是吾曰是疾也江  
 南之人常常有之未始以為憂也南下或無  
 也無鳴呼其竟以此而殞其生乎抑別有疾  
 而至斯乎斯下或汝之書六月十七日也東  
 野云汝歲以六月二日耿蘭之報無月日或  
 日蓋東野之使者不知問家人以月日如耿  
 蘭之報不知當言月日皆非是○按陸德明

經典釋文序論當時語音之訛有日而如靡  
 異則此如字即而字之轉耳不知當言月日  
 者蓋言耿蘭之報所以無月日者此東野與  
 其不知赴告之體禮具月日以報也  
 各書乃問使者使者矣稱以應之耳其然乎  
 其不然乎東上或有蓋字稱一作今吾使建  
 中祭汝弔汝之孤與汝之乳母彼有食可守  
 以待終喪則待終喪而取以來如不能守以  
 終喪則遂取以來其餘奴婢命守汝喪以  
 作吾力能改葬終葬汝於先人之兆然後惟  
 其所願或無終葬一字願下或有焉字○林  
 希元日此告之欲處置其身後以慰

歿者之心，意到筆隨，  
 不覺其詞之刺刺也。嗚呼，汝病，吾不知時，汝  
 歿，吾不知日，生不能相養，以共居，歿不能撫，  
 汝以盡哀，歛不憑其棺，窆不臨其穴。憑，上臨，  
有得字，定。吾行負神明，而使汝天。行，或，不孝  
披險切。不慈而不得與汝相養，以生相守，以歿一在  
 天之涯，一在地之角，生而影不與吾形相依，  
 歿而魂不與吾夢相接，吾實為之，其又何尤  
 彼蒼者天，曷其有極！自今以往，吾其無意於  
 人世矣。茅坤曰：復序哀痛之情，且自責其不  
 孝不慈，不與相守而分，離更有感憤。

處當求數頃之田於伊潁之上，以待餘年。年

作盡，非是。或云當作待，盡餘年，然教吾子與

終不如以得餘年為有合者也。

汝子幸其成長，吾女與汝女待其嫁如此而

已。林希元曰：教子嫁女，又慰死者之嗚呼，言

心自是天理人情中體貼出來。有窮而情不可終，汝其知也邪？其不知也邪？

嗚呼哀哉！或無此句。尚饗。

祭周氏姪女文。公兄韓俞為開封尉，女

名好好，元和二十年周況

登第，公以妻之，生一男一女，況後為

四門博士，十一年好好卒，時年二十一

七，其詳見公

所誌墓云



維年月日十八叔叔母具時羞清酌之奠祭于周氏二十孀子之靈或無子字嫁而有子女子之慶纏疾中年又命不永今當長歸與一世違凡汝親戚孰能不哀饌此酒食以與汝訣汝曾知乎我念曷闕尚饗

祭滂文

滂公之姪孫老成之子也元和十四年公謫潮州滂與其兄湖皆侍行是歲冬公移袁州滂乃成于袁遂葬于袁之郭南其詳見公所誌

維年月日十八翁及十八婆盧氏以清酌庶

羞之奠祭于二十三郎滂之靈曰汝聰明和順出於輩然疆訛好文又少與比將謂成長以典吾家如何不祥未冠而夭吾與盧氏痛傷可言可或作何思母之恩連呼以絕執兄之手勉以無悲情一何長命一何短權葬遠地孤魂無依瀝酒告情哀何有極尚饗

祭李氏二十九孀子文

此老成女公姪孫女李于妻也

維年月日十八叔翁及十八叔婆盧氏遺和以庶羞之奠祭于李氏二十九孀子之靈曰

汝之警敏和靜人莫及之靜或作舒姿相豐端不見闕虧幼而孤露其然何為出從于人既相諧熙又暴以天神何所疵生殺滅益竟誰主尸我哀汝母孰慰窮嫠我憐汝兒誰與抱持念此傷心不能去離奠以送汝知乎不知尚饗

祭張給事文

張微公之從子塔也詳見公所誌墓云

維年月日兵部侍郎韓愈謹以清酌之奠祭于故殿中侍御史贈給事中張君之靈或無

侍惟君之先以儒名家逮君皇攷再振厥華及名休嘗鄉貢進秀有司弗之貢或從事元戎謹職以治遂拜郎官以職王憲不長其年飛不盡翰乃生給事松貞玉剛幹父之業纂受有先屢辟侯府亦佐梁師前人是似蓋吏嗟咨御史闕人奪之於朝大廈之構斧斤未操府遷幽都頑悖未孚繫君之賴乃奏乞雷長慶元年三月以張弘靖為盧龍節度使微先為宣武從事累遷監察御史至是弘靖仍辟微為盧龍判官時牛僧孺奏微為真御史弘靖遣之而密奏幽州不廷日久今臣始至

道有詔以徹還之乃遷殿中朱表象版惟義  
 之趨豈利之踐虺豕發鬻闔府屠割世之制或償  
 其恨犯君獨高脫露刀成林弓矢穰穰刀或  
 千萬為徒謀讎為狂君獨叱之上不負汝為  
 此不祥將死無所雖愚何知慙屈變色君義  
 不辱殺身就德七月軍亂都知兵馬使朱克融囚弘靖於薊門館殺幕僚  
 等以徹長者不殺置徹於弘靖所居月餘遷  
 之別館徹出門罵曰汝何敢反行且罵奴即  
 擊君天子嘉之贈官近侍歸於一死萬古是  
 記我之從女為君之配君於其家行實高世

無所於葬輿竟東歸於葬或作掩誅以贈之

莫知我哀嗚呼哀哉尚饗

祭女孥女文

孥女加女居二反孥或从女如紛孥等字無从奴者公最好古  
 文如其女不應俗字也今按孥通  
 說已見第一卷李花詩元和十四  
 年正月公以論佛骨貶潮州女孥年  
 十一歲于商南層峯驛詳見墓誌及  
 層峯驛詩二女孥公第四女

維年月日阿爹阿八爹屠可切又陟斜切  
 之爹赴人急如水火使汝妳以清酒時果庶  
 荆土方言謂父為爹

羞之奠祭于弟四小孃子孥子之靈嗚呼管  
 汝疾極值吾南逐極一作極蒼黃分散使女驚憂  
 我視汝顏心知死隔汝視我面悲不能啼我  
 既南行家亦隨遣扶汝上輿至朝至暮天雪  
 水寒傷汝羸肌天或作大汝或作女通用撼頓險  
 阻不得少息不能食飲又使渴飢死于窮山  
 實非其命不免水火父母之罪穀梁傳昭十九年子既生  
 不免乎水火父母之罪也使汝至此豈不緣我艸墓路隅  
 棺非其棺既瘞遂行誰守誰瞻竟單骨寒無

所託依人誰不歿於汝即寃我歸自南乃臨  
 哭汝元和十三年九月公自汝目汝面在吾  
 眼傍汝心汝意宛宛可念宛宛或作宛宛  
 注宛坐逢歲之吉致汝先墓長慶三年十月  
 見貌發其骨歸無驚無恐安以即路以一作飲食芳  
 甘棺與華好芳或作柔歸于其丘萬古是保尚饗

唐韓昌黎集卷第二十三終

唐韓昌黎集卷第二十三終

唐韓昌黎集卷第二十四

明稿李蔣之翹輯注

碑誌

李元實墓誌

按石刻首題云韓愈撰段季展書其後題云十一

十一月建立疑立石在墓以後也○此是銘墓正體特謹書爵里及生年外墓日月而行諡自茲藉其中說者乃謂元實年少登第而天歿無足稱述謬矣唐順之日李觀本文士而又為退之之友不知發之何以如此其略也

李觀字元實

此文今俱石刻一本無字字

其先隴西人也

也或無也字始來自江之東年二十四舉進士三年

登東下或有食太學之祿五字上策又舉博學宏辭得本

子校書一年書下或年二十九客死于京師

于或既歛之三日友人博陵崔弘禮或葬之于

國東門之外七里歛下或無之字友上或有其字葬上或

之字無鄉曰慶義原曰嵩原慶義或作某鄉嵩原或作某原

友人韓愈書石以誌之人下或有昌黎字離曰

已序元實壽也者吾不知其所慕天也者吾

不知其所惡生而不淑孰謂其壽謂其或矣

而不朽孰謂之天謂之或已序元實才高乎

當世而行出乎古人才或作文出或作過已序元實竟

何為哉竟何為哉已序元實諸本無此再出四字朱攸亭云或謂上竟

歐公而下好韓氏學者皆未之見遂其說定上字作志意之意下字作究竟之意則于

不識其何說也竊意若非當時誤刻即是後來字半磨滅而讀者不審遂傳此謬好事者

又從而夸大之使世之愚而好怪者遂為所

惑甚可笑也○凌約言曰近世製碑序終申

以銘猶大雄氏演法義終宜以得多是曩

上文不免牀上疊牀之病獨韓柳作

銘超然以他語發揮之不襲常格

崔評事墓銘

君諱翰字叔清博陵安平人安平或作平安非是唐地里

志深州饒陽郡安平縣曾太父知道仕至大理司直太

父玄同為刑部侍郎出刺徐州同或作童非是或無

相父倚舉進士天寶之亂隱居而終君既卒

厥父攜扶孤老託于大江之南卒喪通儒書

作又字句詩敦行孝悌詠諧縱謹卓詭不羈

卓詭或無此二字或作處世皆非是又善飲酒江南人士多從

之遊貞元八年君生四十七年矣以卒日茂之七官作

自江南應節度使王栖曜命于鄜州既至

表授右衛胄曹參軍實參幕府事直道正言

補益弘多弘或作尤既去職遂家于汝州汝州刺

史吳郡陸長源引為防禦判官表授試大理

評事十二年相國隴西公作藩汴州而吳郡

為軍司馬貞元十一年七月以董晉為宣武軍節度使本月長源自汝州授檢

授禮部尚書充宣武軍行軍司馬隴西公即晉也隴西公以為吳郡

之從則賢也之從或作從事或從出之字皆非是署為觀察巡

官實掌軍田鑿澮溝斬芟茅茅或作茹按茹

息也此兼水

陸言之作陸言為是為陸田千二百頃水田五百頃或為字五百連歲大穰軍食以饒幕府以其功或作二千狀聞其字或無使者未復命以十五年正月五日或無寢疾終于家年五十有六矣隴西公賻贈有加自始有疾吳郡率幕府寮屬日一至其廬問焉其既甚也日再往問焉其終也往哭焉比小歛大歛三哭焉或無大歛字非是按上文并大歛計之乃得也於歛之二十日其妻與其子以君之喪旋也墓于汝州與或作以其二月某日遂墓于某

某其鄉某原君內仁九族外盡賓客於其所正其來如歸荷親矣雖不肖收之如賢苟賢矣雖貧賤待之如貴人是故其歿也其用者與其哭者其聲也必哀盡焉妻鄭氏也有子二人女一人吾聞位不稱德者有後嗚呼君其終有後乎德者下或銘曰朝之言嘻嘻夕之言怡怡備久而出乘馬馳一日不見而歿吁其悲馬下或有而字其下或有可字只以情景慘怛



施先生墓銘

按施士巧劉公嘉話云予  
 嘗與柳入韓十八詣施士  
 巧聽毛詩說維鵜在梁梁人取魚梁  
 也言鵜自食求魚不合於人梁上取  
 其魚譬之在人自無善事攘人之美者  
 如鵜在人梁上焉則毛注失之矣又  
 說山無草木曰岫所以言陟彼岫兮  
 無可怖也以其無州木故以譬之又  
 說甘棠勿剪勿敗勿敗勿敗言人  
 心之拜小低屈也上言勿剪終言勿  
 拜明名伯漸遠人思不忘也毛注拜  
 猶代非也又說維北有斗不可挹酒  
 漿言不得其人毛都不注此新史  
 云士巧撰春秋傳未甚傳後文宗喜  
 經術宰相李石因言士巧春秋可讀  
 文宗曰朕見之矣穿鑿之學徒為異  
 同但學者如彼非得美水而已何必  
 勞若旁求然後為得耶○茅坤曰誌

獨詳說經及官本  
 學本末上銘亦韻折

貞元十八年十月十日太學博士施先生  
 士巧卒其察太原郭佐買石誌其墓或無太  
 昌黎韓愈為之辭曰先生明毛鄭詩通春秋  
 左氏傳善講說朝之賢士大夫從而執經攻  
 疑者繼于門有繼下或太學生習毛鄭詩春秋  
 左氏傳者皆其弟子貴游之子弟時先生之  
 說二經來太學帖帖坐諸生下恐不卒得聞  
 帖帖或作怡怡下先生歿二經生喪其師仕  
 又有然字非是

於學者凶其朋故自賢士大夫老師宿儒新  
 進小生聞先生之歿哭泣相弔歸衣服貨財  
 先生年六十九在太學者十九年由四門助  
 教為太學助教由助教為博士太學諸本如此或刪  
 去為太學助教由助教入字蓋言由四門助  
 教至為博士於太學故也今按此既言其在  
 太學者十九年則所歷官不應但一再遷而  
 已刪去非是但下太學二字疑衍不然則或  
 在博上或在下或在下當去下然無秩滿當去  
 所據不敢輒改姑存之以俟知者秩滿當去  
 諸生輒拜疏乞留乞遷三字或留或遷凡十  
 九年不離太學無凡下八字今按上文已云在太學者十九年則此八

字誠為重複然欲去之則或留或遷祖曰旭袁州  
 或遷或留帝勢未盡姑為論而存之姑丑略切豪或  
 宓春尉父曰媯豪州定遠丞媯丑略切豪或  
 按此誌在元和或妻曰太原王氏先生卒子  
 之前或去水為是

曰友直朔州鄆縣主簿鄆莫侯切或作鄆  
鄆一縣長鄆縣會稽縣曰友諒太廟齋郎系曰  
 先生之祖氏自施父施父魯大夫見其後施

常事孔子以彰列傳施之常字子桓翹按孔  
門姓施者不特常一人又見陶弘景真靈位  
業圖云地仙散位中有施存一號婉盆子孔  
子躬子三讎為博士漢書儒林傳施讎字延  
千人數

為太尉延順帝陽嘉二年八月為太尉太尉之孫始為吳人

曰然曰續亦載其跡續當作續。吳志朱然字義封本姓施氏然子

續字公緒先生之與公車是名纂序前聞于光有

羅古聖人言其旨密微箋注紛羅顛倒是非

紛或作分聞先生講論如客得歸得或作有甲讓肫肫

出言孔揚中庸肫肫其仁鄭注肫讀如誨爾諄諄之諄懇誠貌今其成

矣誰嗣為宗為或作其縣曰萬年原曰神禾高四

尺者先生墓邪檀弓孔子曰吾聞之古者墓而不封今丘也東西南北之人

人也不可以弗識於是封之崇四尺。○結極灑然

致功員外盧君墓銘

銘或作表。○公元和二年為國子博士

士時作。○一篇全以韓會之友四變李栢筠碑中從事為案虛步妙絕勢如風行。○波生

愈之宗克故起居舍人君柳子厚先友記云韓會昌黎人善清

言有文章各最高然以故多謗至起居郎賤賤官在則起居舍人君會也子厚以為郎誤矣

以道德文學伏一世伏或作服其友四人其一范

陽盧君東美少未出仕皆在江淮開天下太

夫士謂之四變或無少字。○永泰中會與盧東美張正則崔造為友好談

經濟之略嘗以王佐自許時人號為四變舊史載於崔造傳新史亦具載之而撫言乃以

何長師李華盧東美其義以為道可與古之

夔臯者侔故云爾或曰夔嘗為相世謂相夔

四人者雖處而未仕天下詭以為相故云

或作臯夔後同大曆初御史大夫李栖筠由工部侍

郎為浙西觀察使當是時中國新去亂仕多

避處江淮間仕或嘗為顯官得名聲以老故

自任者以千百數大夫莫之取獨晨衣朝服

從騎吏入下里舍請盧君或無君時始任戴

寇通詩書與其羣日講說周公孔子以相磨

礪浸灌婆娑嬉游未有捨所為為人意見起

從大夫天下未知君者惟奇大夫之取人也

不常必得人其知君者謂君之從人也非其

常守必得其從知上或無其字其後為太

常博士監察御史河南府司錄破功員外郎

年若干而終在官舉其職若干或作夫人李

姓隴西人君在配君子無違德配上或君奴

訓子女得毋道甚或作甚後君二十年年六

十六而終二十或作若干將合葬其子暢命

其孫立曰乃祖德烈靡不聞然其詳而信者  
 室莫若吾先人之友先人之友無在者起居  
 丈有季曰愈能為古文業其家作又或是必能  
 道吾父事業汝其往請銘焉父下或立於是  
 奉其父命奔走來告愈謂立曰子來室也行  
 不可一舉且吾之生也後不與而祖接不  
 得詳也得下或其大者莫若夏所與觀所與  
 眾寡茲可以審其德矣乃祖未出而處也天  
 下大夫士以為與古之變臯者侔且可以為

相其德不既大矣乎大夫或講說周公孔子  
 樂其道不樂從事於俗得所從不擇外內奮  
 而起其進退不既合於義乎擇或銘如是可  
 以示於今與後也歎立拜手曰唯唯君祖子  
 與濮州濮陽令父同舒州望江令夫人之祖  
 延宗鄆州司馬父進成鄆州洛交令君祖下  
 字或但言君祖某某官父某某官夫人之  
 祖某某官父某某官夫人下或無之字  
 三人暢申易女三人皆嫁為士人妻士下或  
 墓在河南緱氏縣梁國之原緱氏下七字或  
作某縣某原緱

音其年月日或無此四字元和二年二月十日

云十下或  
有四字

施州房使君鄭夫人殯表

房使君房武也武刺施州而夫人卒殯于江陵公時為江陵法曹而作繼于河南與元少尹房君墓即武也

夫人之先出於周或無之以鄭為氏因初侯

周厲王少子友封於鄭是為成公其地華州鄭縣是也後世以國為氏曾祖諱

隨祖諱玠厥玆諱絳咸垂休歸于房宗生九

子左右黍稷祠春秋道順德嚴顯且裕室壽

而富今何謬富或永貞冬至前四日寓殯墳

此非其丘

清邊郡王楊燕奇碑文

一作清邊郡王楊公神道碑

公諱燕奇字燕奇弘農華陰人也字上或大

父知古祁州司倉烈攷文誨天寶中實為平

盧衙前兵馬使盧下或位至特進檢校太子

賓客封弘農郡開國伯世掌諸蕃互市恩信

著明夷人慕之祿山之亂公年幾二十進言

於其父曰大人守官室不得去王室在難某  
 其行矣室或作義○燕奇開元二十六年生天寶十四年祿山反時燕奇年十八  
 其父為之請於戎帥遂率諸將校之子弟各  
 一人間道趨關變服詭行日倍百里天子嘉  
 之特拜左金吾衛大將軍員外置賜勳上柱  
 國寶應二年春詔從僕射田公平劉展或作二歲○上元元年十一月宋州刺史劉展赴揚州揚州長史鄧景山以兵拒之為展所敗進路揚潤昇等州二年正月平盧兵馬使田神功生禽展揚潤平今云寶應誤也又  
 從下河北大曆八年帥師納戎帥勉于滑州

大曆八年三月月永平節度使令狐彰卒以二  
 部尚書李勉為永平軍節度滑亳觀察等使  
 九年從朝于京師是年十一月汴宋節度使田神功入朝京師九年正月神功卒神功本傳云大曆二年來朝加檢校尚書右僕射又八年冬觀闕庭信宿而終此云九年誤也建中二年城汴州功勞居多建中二年三月  
 三年從攻李希烈先登貞元二年從司  
 徒劉公復汴州貞元四年十二月李希烈陷汴州興元元年十一月宋毫節度使劉洽大破希烈之叛希烈遁歸蔡州汴州平今云貞元二年誤也劉公謂劉元佐  
 十二年與諸將執以城叛者歸之于京師事  
 平授御史大夫食實封百戶賜繪綵有加下

或右十四年或左年六十一或右又月某日終于家自  
 始命左金吾大將軍凡十五遷為御史大夫  
 職為節度押衙右廂兵馬使兼馬軍先鋒兵  
 馬使右或作左階為特進勳為上柱國爵為清邊  
 郡王食虛邑自三百戶至三千戶真食五百  
 戶終焉或無自字公結髮從軍四十餘年敵  
 攻無堅城守必完臨危蹈難歎歎感發乘機  
 應會捷出神怪不畏義死不榮幸生故其事  
 君無疑行其事上無閒言年或作歲○總叙最警策有神氣

初僕射田公其母隔于冀州公獨請往迎之  
 經營賊城出入必地卒致其母田公德之約  
 為父子故公始姓田氏田公終而後復其族  
 焉嗣子通王屬良禎以其年十月庚寅葬公  
 于開封縣魯陵岡龍西郡夫人李氏祔焉華  
或作二月或作三月或作八月或作十月燕  
奇卒於五月作二二月者誤矣但八月十月  
皆有庚寅不知孰是大抵此碑多誤不曉所  
以通王德宗之子諱以貞元中領宣武及  
河東夫人清夷郡太守祐之孫渙陽郡長史  
 獻之女柔嘉淑明先公而姐有男四人女三



人後夫人河南郡夫人雍氏某官之孫某官  
之女有男一人女二人咸有至性純行夫人  
同仁均養親族不知異焉男一人女二人或  
女上一或有有字君子於是知楊公之德又行  
於家也銘曰

烈烈大夫逢時之虞大夫或  
作丈夫感泣辭親從難  
于秦維茲爰始遂勤其事四十餘年或禪或  
專攻牢保危爵位已躋既明且慎終老無  
魯陵之岡蔡河在側在或  
作之烝烝孝子思顯勳

續斷石于此式垂後嗣

河南少尹裴君墓誌銘

篇中特序世系  
及拜官爵卒年

月日與墓處一篇未  
次行事並虛景

公諱復字茂紹河東人

復或作稷按唐世系  
表集古錄皆作復

曾太父元簡大理正太父曠御史中丞京畿

採訪使父虬以有氣略敢諫諍為諫議大夫

或無有字諫諍二字  
或作言或無諍字

引正太疑有寵代宗朝

屢辭官不肯拜卒贈工部尚書

歐陽公跋怡  
亭銘云裴虬

撰李陽冰篆李莒書銘在武昌江水中有小  
島亭在其上銘刻於島石此代宗時為道州

刺史按公此文云此為諫議大夫不云為道州刺史唐史亦不見其事歐陽竟得之治亭公舉賢良拜同官尉僕射南陽公開府徐

州貞元四年十一月以濠壽廬三州團練使張建封為徐泗濠節度使名公主

書記二遷至侍御史入朝歷殿中侍御史累

遷至刑部郎中遷或作選非是疾病改河南少尹興

至官若干日卒實元和三年四月二十三日

享年五十夫人博陵崔氏少府監頰之女音頰

男三人璟質皆既冠其季始六歲曰充郎

充或作彥世上表作望塋塋得公卒之四月壬寅遂以

其日葬東都芒山之陰杜翟村一作作陽

山在河南府城北接偃師鞏孟津二縣界東漢諸陵及唐宋名臣墓在此公幼有

文年十四上時雨詩代宗以為能將名入為

翰林學士時寶應元年尚書公請免曰願使卒學

或無丁後母喪上使臨弔又詔尚書公曰父

忠而子果孝吾加賜以厲天下終喪必且以

為翰林詔或作謂林下其在徐州府能勤而

有勞在朝以恭儉守其職居喪必有聞待諸

弟友以善教館養妹畜孤甥能別而有恩而

有

或以作歷十官而無宅於都無田於野無遺

資以為葬斯其可銘也已銘曰

裴為顯姓入唐尤盛支分族離各為大家此

以家叶離方言羅謂之羅羅謂之羅如惟公

詩鬼爰及楚辭多此類蓋古音通也

之系德隆位細曰子曰孫厥聲世繼子或晉

陽之色愉愉翼翼作色或無外無私幼壯若一

何壽之不遐而祿之不彘謂必有後其又信

然邪然邪

國子助教河東薛君墓誌銘或無河東字石本首

云朝議郎守國子博士韓愈

君諱公達字大順薛姓字大順或曾祖曰希

莊撫州刺史贈大理卿祖曰元暉果州瀘溪

縣丞贈左散騎常侍此从石本一本祖下父

曰播尚書禮部侍郎侍郎命君後兄據據為

尚書水部郎中贈給事中據或作授○按元

開元十九年摠十八年君少氣高為文有氣

力務出於奇以不同俗為主數語便伏後益

始舉進士不與先輩揖作胡馬及圓丘詩

案

京師人未見其書皆口相傳以熟及擢第補

家令主簿佐鳳翔軍或無及擢第三字○貞元三年二月以鳳翔

後邢君牙為鳳翔尹鳳翔隴西觀察使至是表公達佐其軍軍帥武人君

為作書奏讀不識句傳下幕以為笑不為變

笑下或後九月九日大會射設標的高出百

數十尺會下或今日中酬錦與金若干一軍

盡射莫能中或無盡字能中君執弓彀一矢

指一矢以興指或作挾或無指一矢二字揖

其帥曰請以為公歡遂適射所一座皆起隨

之或無射三發連三中或無的壞不可復射

中輒一軍大呼以笑連三大呼笑帥益不喜

即自免去後佐河陽軍任事去害與利功為

多拜協律郎益奔奇與人為同次薛公似兩

更歷歷如畫意其序述射事今天子修太學官有公卿言

諂拜國子助教分發東都生元和四年年卅

七二月十四日疾暴卒卅七石本如此下二

翹特著其說已見前君再娶初娶琅邪王氏

後娶京兆韋氏或無初娶以下十一字凡產四男五女

男生輒即歿或無產自給事至君後再絕皆

有名或無皆有名三字然二字字之義未詳遺言曰以公儀之子

已已後我此已已後我或作為已後非是也其

年閏二月廿十日見上第試太子通事舍人

公儀京兆府司錄公幹以君之喪歸試下七

某官京下不字或以五月十五日葬于京兆

府萬年縣少陵原合祔王夫人坐以君下

作以君之喪銘曰葬京兆其縣

宦不遂不字或不能達遂一作遷歸讖於時或

作議石身不得年又將尤誰世再絕而絕祭

以不

監察御史元君妻京兆韋氏夫人墓誌

銘諸本無京兆以上九字

夫人諱叢字茂之姓韋氏茂或作茂今以名

其上七世祖父封龍門公後周驃騎將軍晉

通封龍門公州總管府長史韋

太守善嗣子崇德太子論德崇德子弼夫人

曾祖父諱伯陽自萬年令為太原少尹副雷

守北都卒贈祕書監或無北都字其太王父迨以

都官郎為嶺南軍司馬卒贈同州刺史王玟

夏卿以太子少保卒贈左僕射保下或無卒字僕射

娶裴氏臯女射或無僕射字臯為給事中為上或有少字非是

臯父宰相耀卿夫人於僕射為季女愛之選

璿得今御史河南元稹選上或有其字○稹稹字微之河南人

時始以選校書祕書省中稹上或有授字非是其後遂

以能直言策第一拜左拾遺果直言失官又

起為御史舉職無所顧夫人固前受教於賢

父母得其良夫又及教於先姑氏固或作因父上或無

賢字得上或或有及字及或作受皆非是率所事所言皆從儀法

言或作動年二十七以元和四年七月九日卒卒

三月得其年之十月十三日葬咸陽從先舅

姑兆銘曰

詩歌碩人爰叙宗親詩衛風碩人其頤衣錦

之妻東宮之妹邢齊侯之子衛侯侯之姨譚公惟私女子之事有以榮身夫人

之先累公累卿有赫外祖相我唐明於有或作

非是歸逢其良夫失婦婦獨不與年而卒以



元和五年十月日范陽盧殷以故登封尉尉  
 卒登封年六十五月下或君能為詩自少至  
 老詩可錄傳者在紙凡于餘篇無書不讀然  
 止用以資為詩或無在紙二字以下或有自  
縣尉盧殷墓誌稱殷無書不讀然此用以資  
為詩夫讀書吃吃而此用以資為詩可謂錯  
用其心退之又云殷自少至老詩可錄傳者  
于餘篇然今未聞一篇傳者樂城遺言讀書  
須學為文餘事作詩人耳嗚呼學者讀書其  
專在為文而已乎蘇氏之文無見於道亦只  
是枉讀書耳言行錄劉忠肅公擊教子孫每  
日士當以實行為先若此號為文人無足觀  
 矣與諫議大夫孟簡協律孟郊監察御史馮

宿好期相推挽卒以病不能為官在登封盡  
 寫所為詩抵故宰相東都留守鄭公餘慶或抵  
作投或雷守數以帛米周其家書薦宰相宰  
無公字相不能用意飢寒死登封將死自為書告雷  
 守與河南尹房式乞葬已又為詩與常所來  
 往河南令韓愈曰為我具棺雷守尹為具凡  
 葬事韓愈為買棺又為作銘十一月某日葬  
 嵩下鄭夫人墓中嵩下或君始娶滎陽鄭氏  
 後娶隴西李氏生男輒死卒無子女一人學



浮屠法不嫁為比丘尼云

女上或，有子，字○國朝，王元美定文

章九命，一曰貧，困二曰嫌，忌三曰玷，缺四曰無，偃蹇五曰流，竄六曰刑，辱七曰天，折八曰無，終九曰無，後翹觀之，退之所誌，盧殷竟以一人居其四焉，如所稱，仰給米於智守，鄭公非貧，困乎終老，一尉智守書薦宰相，不能用非偃蹇乎，平飢寒，以死與知，故乞棺，乞葬，非無終乎，生男，輒歿，女一人，又不嫁，為比丘尼，非無後乎，嗚呼，若礙人者，蓋亦所生不辰矣，豈詩能窮人，益至於此

興元少尹房君墓誌

房君，武也，公嘗為其夫人鄭氏作孀

表，今又誌其墓

房故為官族，稱世有久

官或作宦

自太尉瑄以德

行為相，相玄宗，肅宗，名聲益彰，徹大行世號

其門為太尉家

瑄字次律，河南人，天寶十一

同平章事，至德二年五月，罷，廣德元年卒，贈太尉

宗族子弟皆法象

其賢公會祖諱玄靜，尚書膳部郎中，歷資簡

涇隰四州刺史，太尉之叔父也

玄靜父彥雲有子長日

玄基次，曰玄靜，玄基子融，天后朝正，祖諱肱，諫大夫，同鳳閣鸞臺平章事，融子瑄

為號州司馬，父諱巒，都水使者，皆名能守家

法續或作藥公諱武，字某，以明經歷官，至興元少

尹，謹飭良慎，年七十三，以其官終，幼壯為良

子弟老為賢父兄，歷十二官，處事無纖毫過差。嘗以殿中侍御史、副丹陽軍使，其後為盤屋令、施州刺史、丹陽、盤屋、施州吏民至今思之。盤音斬屋音室。○盤屋唐扶風縣名今屬陝西西安府水曲曰盤山曲曰屋前漢行幸盤屋。娶滎陽鄭氏女，生男六人，其長曰次卿。次卿有大才，不能俯仰，順時年四十餘，尚守京兆典平尉。然其友皆曰：房氏有子也。次卿曰：次公次膺次回次衡次元始學而未仕，女三人皆嫁為士人妻。士人或作人士。初公之在施州

夫人卒，焉殯於江陵。元和五年，次卿與其羣弟奉公之喪，自興元至堂，殯于伊水之南。公塋服議殯於堂謂之殯。六年正月，次公奉夫人之喪，自江陵至，遂以其月十四日合葬河南緱氏之高龍原。公母弟式自給事中為河南尹，孝友慈良，盡費其財以奉公塋，未塋之一月，詔以河南為御史中丞，領宣州觀察使。中丞或將作大夫。將行，行或往。名河南，令韓愈泣謂曰：吾兄之葬於此，而吾為尹，於是吾以為得盡其遺於吾兄。

也今壓於上命不得視吾兄之棺入此土也  
豈非天邪子與吾兒次卿游我重知子凡吾  
兄之終事將子是託焉愈既不獲辭既助其  
凡役事退又為銘云  
有位有年有弟有子年或作名從先人葬是謂受  
祚

河南少尹李公墓誌銘

此李素也據史李素無傳於李

銜傳附一見焉

元和七年二月一日河南少尹李公卒年五

十八

尹下或作陸西字或作陸渾

歛之三月某甲子葬河

南伊闕鳴臯山下

或作八月丁亥朔十六日壬寅我之史亦合伊闕或

作陸渾破唐志鳴臯實在陸渾

前事之月其子道敏哭再拜

授使者公行狀

公或作功非是

以幣悉京師乞銘於

博士韓愈

於一作于

曰少尹將以某月日葬安有

銘其不肖嗣道敏杖而執事不敢違次不得

跣以請

有某字

愈曰公行應銘法

公或作功按本句無

首而下句于又禮葬亦無所承其誤明甚

子又禮葬敢不諾而銘

諸

或無葬字或無而銘諸三字或無諾而二字皆非是

公諱素字某

或作

字貞生七歲喪其父貧不能家母夫人提以  
 歸教育于其外氏育或作畜于以明經選主  
 號之弘農簿又尉陝之芮城李丞相泌觀察  
 陝號以材署運使從事以課遷尉京兆鄂音鄂  
 戶○一統志鄂縣名屬陝西西安玟滿以書  
 府夏扈國朕崇國秦甘亭漢鄂縣  
 判出其倫選主萬年簿倫上或無其字而母  
 夫人固在食其祿母夫人卒三年改尉長安  
 遷監察御史奏貶九卿一人改詹事丞遷殿  
 中侍御史由度知員外郎選令萬年貶或無

郎字選令萬年公主奪驛田主下或無簿字  
或作選萬年令簿如簿錄之  
簿非京兆尹符縣割界之公不與改度支郎  
 中使度支或侍郎介恃不禮其屬太夫士擅  
 喜怒賞罰公獨入讓不受恃或作特非是或  
年四月以兵部侍郎李劉闢平上以蜀賞高  
異為度支鹽鐵轉運使崇文尚書省以崇文幕府爭鹽井因革便不  
 便命公使崇文以崇或作與崇崇文命幕府  
 唯公命從即其日事已疏奏侍郎外稱其能  
 竟坐前敢抗已事已或衢州飢擇刺史侍郎

曰莫如郎李某遂刺衢州至一月遷蘇州如

下或有中字遷下或有刺字。時以杜兼為蘇州刺史兼曰李錡且反必且奏族臣上因

留為吏部郎中而李錡前反權將之戍諸州

以素為蘇州刺史者刺史至斂手無敢與敵或無權之二字或

字皆非是。○二十年十月鎮海節度使李錡反

先是錡選腹心五人為所部三州鎮將姚志

安處蘇州李溪處常州趙惟忠處湖州丘自

明處杭州高肅處睦州察刺史動靜及將反

各令殺其刺史公至十二日錡反公將左右與賊戰

州門不勝賊呼入公端立責以義皆斂兵立

不逼端或作號非是錡命械致公軍將斬以徇及境

錡適敗縛公脫械還悉州或無縛字。○錡反

致于錡具桎梏釘于船舷未及京口十月

潤州大將張子良李奉仙等執錡素獲免賊

急卒不暇悉死民抱扶迎盡出急卒一作竟

句絕賊即錡將之戍州作亂者以公至之速

不及悉死為州民執以迎公耳然民字以下

必有天子使貴人持紫衣金奩以賜居三年

州稱治拜河南少尹行大尹事六年三月以

美為昭義軍節度使以素為少尹行大尹事

七年二月許孟容自兵部侍郎代素為尹

呂氏子貝奔其妻著道士衣冠或無謝母曰

當學仙王屋山去數月復出閒詣公公立之

府門外使吏卒脫道士冠給冠帶送付其母  
 黜屬令二人以賊減民賦錢歲五十萬請緩  
 民輸期一月詔天下輸皆緩一月賦或作賦古通用然  
 不知此句當如何讀若賦字屬上句即下文  
 賦別為一事若屬下句即是以下所沒入之  
 賦代民賦錢也但屬上句公一斷治不收聲  
 者語意差濫耳干或作十  
 事常出名上曾祖弘泰簡州刺史弘或作純祖乾  
 秀伊闕令父燮宣州長史贈絳州刺史母夫  
 人燉煌張氏其舅參有太名氏下或有封西平郡大君六字  
 參或公之配曰彭城劉氏夫人公或作君氏夫人下或有

封彭城縣君 夫人先卒其葬以夫人祔夫人曾  
 祖曰子女祖曰鍊皆有太名公之子男四人  
 長曰道敏舉進士其次曰道樞其次曰道本  
 道易皆好學而文或無其次曰道樞又字樞  
 上或有其次日字 女一人嫁蘇之海鹽尉韋潛自簡  
 州而下皆葬鳴臯山下銘曰  
 高其上而坎其中以為公之宮奈何乎公下  
 或有三立字立或作丘或作山

集賢院校理石君墓誌銘 校理下或有京兆胎應尉

又丁字。○石洪佐身重胤于河陽。公嘗有詩及序送之。至是卒。公祭以文。又銘其墓。云。○退之送石處士序何等波瀾。及誌石處士墓。何等質實。可知。文各有體。茅坤曰。簡而法。

君諱洪字濬川其先姓身石蘭九代祖猛始

從拓拔氏入夏居河南九或作七下文七世

拓音托拔蒲檢切拓拔或作拓跋○廣韻引周書王秉王典並賜姓拓至氏又有拓拔氏

初黃帝子昌意少子受封北土黃帝以土德

王北俗謂上為拓謂石為跋故以拓跋為氏跋亦一作拔或說自云拓天而生拔地而長

遂以為氏後魏孝文帝太和二十年改為元氏夏謂中夏也遂去烏與蘭獨姓石氏而官號大司

空後魏孝文帝太和十八年遷都洛陽二十

年盡改復姓故身石蘭止為石氏以河南為望後魏官氏志身石蘭氏後七世至行

改姓石氏有司空蘭陵公石猛

襲官至易州刺史於君為曾祖易州生夔州

金華令諱懷一卒葬洛陽北山金華生君之

玟諱平為太子家令葬金華墓東而尚書水

部郎劉復為之銘君生七年喪其母九年而

喪其父能方學行去黃州錄事參軍則不佳

而退處東都洛上十餘年行益修學益進交

遊益附聲號聞四海海或作方李翱嘗有薦

冀州糾此故相國鄭公餘慶留守東都上言

洪可付史筆李建拜御史建字杓直元和三年十月高郢為御史

史大夫奏建為殿中侍御史建舉洪自代崔周禎為補闕禎或作禎

頌以示大雅文王詩从木當兩存之皆舉以讓以或作與非是宣歙池

之使盧坦與浙東使薛華交牒署君從事君下或為字

河陽節度烏大夫重胤閒以幣先走廬下走

或有故為河陽得佐河陽軍吏治民寬政功

奏從事攻君獨於天下為第一得上或有所字元和三年

年四月以烏重胤為河陽節度使表洪為府參謀元和六年詔下河

南徵拜京兆昭應尉校理集賢御書明年六

月甲午疾卒年四十二娶彭城劉氏女故相

國晏之兄孫生男二人八歲曰壬四歲曰申

女子二人顧言曰葬於所七月甲申葬萬年

白鹿原既病謂其游韓愈曰子以吾銘以或與

銘曰

生之艱成之又艱若有以為而止於斯

唐故江西觀察使韋公墓誌銘諸題唐故或有

或無或有銘字或無銘字皆從舊本石本多用大唐字○韋丹新史列之



循吏傳皆取公墓誌及杜牧所作遺愛碑為之。公紀丹德政云其大如是其細可畧也。然其大者亦止如是。則何以言功被八州邪。文特詳密可觀。

公諱丹字某姓韋氏字某或作字文明六世祖季寬

仕周有功以公開號於郎郎音云。季寬名。叔裕以字行。仕周

為大司空封郎國公。左傳郎人軍其楚。郎公之子孫世為太官

季寬子津位內史侍郎戶部侍郎判尚書事。津子琨字玄理唐太子詹事封武陽縣侯。琨子幼平岐州參軍幼唯公之父改卒雒縣丞

平子抱貞梓州刺史。贈號州刺史公既孤以甥孫從太師魯公真

卿學太師愛之或無太師愛之四字舉明經弟選授峽

州遠安令以讓其庶兄峽或作峽或地理志非是入紫閣

山事從父熊通又經登科登下或有明又經三字或無登字

紫閣山即終南之別峰今在西安府鄠縣歷校書郎咸陽尉佐邠

寧軍貞元四年七月以張獻甫為邠寧節度使獻甫表丹佐其府自監察

御史為殿中侍御史徵拜太子舍人益有名

遷起居郎吳少誠襲許州拜河陽行軍司馬

未行少誠死改駕部員外郎河陽下或有軍字或無未行

字少上或新羅國君新羅并韓苗裔有適字也居漢樂浪地橫干

韓昌黎集卷之二十五

里縱二千里東距長人東南日本西百濟南  
 瀕海北高麗而王居金城環八里所備兵三千  
 人公以司封郎中兼御史中丞紫衣金魚往  
 弔立其嗣故事使外國者常賜州縣官十員  
 使以名上以便其私號私覲官公將行曰吾  
 天子使使海外國不足於資室上請安有賣  
 官以受錢邪即具疏所以上以為賢命有司  
 與其費資或作費或無至鄆州會新羅告所  
 當立君歿還拜容州刺史容管經略招討使  
 始城容州周十三里置屯田二十四所化大

行詔加太中大夫或無順宗嗣位拜河南少  
 尹行未至拜鄭滑行軍司馬軍上或始至襄  
 陽詔拜諫議大夫既至日言事不阿權臣嘗  
 然有直名遂號為才臣劉關反圍梓州詔以  
 公為東川節度使御史大夫或無詔字○八  
 韋臯卒度支副使劉闢自為留後九月徵闢  
 為給事中不受詔議者欲釋不問丹上疏以  
 為今釋闢不誅則朝廷可指臂而使者唯兩  
 京耳此外誰不為叛上善其言以丹為東川  
 節度使兼御史大夫代李康公行至漢中上疏言梓州在  
 圍間守方盡力不可易將徵還入議蜀事徵

或有劉闢去梓州因以梓州讓高崇文元和元年

請字正月以左行營節度使高崇文計闢二月丹

至漢中表言崇文客軍遠闕無所資若與梓

州綴其士心必能有功四月以崇文為東川節度使事拜晉慈隰

等州觀察防禦使是月以丹為晉慈隰自扶風

縣男進封武陽郡開國公食邑二千戶或無

將行上言臣所治三州非要害地不足張職

為國家費不如屬之河東便上以為忠或無

為忠四字疑或公自以前有上以為賢一歲

拜洪州刺史江南西道觀察使以晉慈隰屬

河東元和二年正月以宰相杜黃裳為河中

使公既至則計口受俸錢委其餘於官罷八

州無事之食者洪江饒虔吉以聚其財始殺

入為瓦屋取材於山色陶工鼓入陶聚材瓦

於場度其費以為估不取贏利凡取材瓦於

官業定而受其償從令者免其賦之半逃未

復者官與為之貧不能者界之財載食與漿

親往勸之界或作禪為瓦屋萬三千七百為

重屋四千七百民無火憂暑濕則乘其高別

命置南北市營諸軍歲旱種不入土募入就  
 功厚與之直而給其食業成人不病飢為長  
 衢南北夾兩營東西七里人去溲汚氣益蘇  
衢上或無長字溲息列切汚或作汙字  
通易井灑不食注不停汚之謂灑 復作  
 南昌縣徙廐于高地因其廢倉大屋馬以不  
 連或作焉不或作為或作廐新明年  
史作以廢倉為新廐馬息不  
 築堤扞江長十二里疏為斗門以乘潦水公  
 去位之明年江水平堤老幼泣而思曰無此  
 堤吾屍其流入海矣老上或有灌隙塘三百

九十八得田萬二千頃凡為民去害興利若  
 嗜慾居三年於江西八州無遺使其大如是  
 其細可略也其大下九字或作其大不可略  
如或作其大略如是皆非是  
也字卒有違令當死者公不果於誅杖而遣  
也字乏去上書告公所為不法若干條法下或朝  
有者字廷方勇於治且以為公名才能臣治功聞天  
 下不辨則受垢詔罷官留江西待辨使未至  
 月餘公以疾薨使至辨凡卒所告事若干條  
 皆無絲毫實詔答卒百流嶺南公能益明春

秋二十八薨於元和五年八月六日公好施  
 與家無剩財剩或作騰自校書郎至為觀察使擁  
 吏卒前走七州刺史與賓客處如布衣時自  
 持甲一不易或在不易下甲下或無一字娶  
 清河崔氏故支江令諷之女某官某之孫或支  
 有子曰寘年十五明經及第嗣其家業後  
 夫人蘭陵蕭氏中書令華之孫殿中侍御史  
 恒之女皆先公終有女一人或無凡公男若  
 千人女若干人或無女若干人四字杜牧作遺愛碑云有子三人寘甫

岫宙咸通中檢校尚書左僕射同平章事充嶺南節度岫終福建觀察使寘無聞唐史世系表則著寘由審而遺岫審大理評事明年七月壬寅從葬萬  
 年縣少陵原或無將葬其從事東平呂宗禮  
 與其子寘謀宗禮即呂恭字敬叔溫之弟曰我公室得直  
 而不華者銘傳於後固不朽矣或無直而不華者五字及傳於後固四字而復出得銘二字寘來請銘銘  
 曰武陽受業始於太師真卿以官讓兄自待不  
 疑勤于紫閣取益以卑可謂有源卒用無疵

慊慊為人矯矯為官

慊音歉慊慊或作謙謙漢書慊慊常若不不足

爰及江西功德具完各聲之下獨處為難辯

而益明佐者所歎歎音難碑于墓前維昭美故

納銘墓中以識公墓識式志切

唐故河南府王屋縣尉畢君墓誌銘唐順

之日詳序世一

畢氏出東平畢氏本畢公高之後其歷漢魏

晉宋齊梁陳士大夫不絕晉有畢湛為中書郎湛子卓字茂世

太典未為吏部郎北史畢敬衆子元賓父子相繼為兗州刺史元賓六子祖朽祖髦祖歸

祖旋祖榮祖暉祖歸子義暢祖榮子義允義允子僧要祖暉子義緜義雲八國朝

有為司衛少卿貝那廬許州刺史者曰憬或人

作人屬上句○憬河南偃師人武后時為司衛少卿憬之子構累官至

史部尚書卒贈黃門監是為景公構一作樞非是○新

舊史有傳畢構字隆擇終於戶部尚書世系表亦作戶部然舊史畢誠傳乃稱吏部景

公生抗為廣平太守抗安祿山城陷覆其宗

贈戶部尚書生抗抗作炕世系表作抗傳作炕而世系官職亦不同覆其宗

或作其宗覆焉尚書生垆家破時垆生始四歲四或

與其餘增以俱小漏名籍得不誅為賞口賊

中寶應二年河北平宗人宏以家財贖出之  
 求增不得增長為河北從事兼官至御史中  
 丞垌既至長安宏養於家教讀書明經弟明  
弟一旬疑有脫字或經下宏歿垌益壯始自  
當有中字或登字之類別為畢氏歷尉臨渙安邑王屋年六十一以  
 元和六年二月二日卒於官初罷臨渙徐州  
 節度張建封慕廣平之節以歿或聞君篤  
 行能官請相見署諸從事請上或有以幣字  
諸字疑係攝符離令四年及尉王屋徐之從事有

為河南尹者聞君當來喜謂人曰河南庫歲  
 入錢以千計者五六十萬須謹廉吏今畢侯  
 來吾濟矣入錢或繼數尹諸署於府者無不  
 變而畢侯固如初竟以其職歿諸或君睦親  
 善事過客未嘗問有無既卒家無一錢凡棺  
 與墓事皆同官與相識者事之墓或娶清河  
 張氏女字疑皆因下文誤入生男四人曰鎬  
 鈺鈇銳女子三人其長學浮屠法為比丘尼  
 其季二人未嫁以其月二十三日從葬偃師

之士婁銘曰  
上古愛民為官求人苟可以任位加其身其  
後喜權人自求官退而緩者身後人先故廣  
平死節而子不荷其澤王屋謹廉而神不福  
其謙嗚呼天與人苟無傷其穴與墳

試大理評事胡君墓銘

二字

胡之氏別於陳周武王封胡公滿於陳其支子自稱胡氏明允先  
河東人允或作元○明世勤固戴厥身固或作戴或籍文譜進連倫惟明允加武資方牛虎

柔不持吏夏陽有施為夏陽同州屬邑也去平陽民

思悲平陽晉州郡名河東土河陸原室茲人肖厚完

厚完或作後昆或作省厚寬皆非是○厚完字見晉語五十七不足年

孤兒啼歔下官母弟證秩大夫秩或作秋非是○胡弟證

元和九年以御史大夫帥振武十二年召還此下又云友韓愈司馬徒登十一年從征淮

西時邪然則秋撫君遺哭泣書撫或作友友韓愈

司馬徒公時為行軍司馬從裴度平蔡誌云司馬徒或謂公是時為太史司馬徒

謂司馬遷父子耳以誌作後銘係序初

襄陽盧丞墓誌銘或有唐故字○朱熹曰此與後篇張圓志



文體特為橫逸與諸篇不同亦其文之變也但此篇中稱吾者皆述盧諱而最後一吾字乃韓自稱似少分別耳唐順之曰下篇俱是求文者自言更不立言

范陽盧行簡

盧下或

將葬其父母乞銘於職

方員外郎韓愈曰吾先世世載族姓書

世世或作

五世○盧植字子幹涿郡涿人後漢北中郎將子毓字子家魏司空容城侯毓子挺字子笏泰山太守奕子志字子道軍諮祭酒志子諶字子諒司空從事中郎諶子偃慕容氏管丘太守偃子邈范陽太守邈子玄字子真後魏中侍郎玄子伯源字湯烏祕書監伯源子道將字祖業燕郡太守道將子懷仁字子友弘農太守吾冑於拓拔氏

之弘農守守後四代吾祖也為沂錄事參軍

沂下或有州字○懷仁子彦卿東宮學士彦卿孫瓌五世而吾父也為

襄陽丞始吾父自曹之南華尉歷萬年縣尉

至襄陽丞以材任煩能持廉名萬年二字或作三去

襄陽則署鹽鐵府出入十年常最其刻府下或有

職字十下貞元十三年終其家年六十七或有三字殯

河南河陰南下或有縣字縣吾母燉煌張氏

也王父瓊為堯之金鄉令之或州先君燧而十

三年夫人終年七十三從殯河陰或燧下無而字年下

有而生子男三人居簡金吾兵曹行簡則吾  
 其次也大理主簿佐江西軍其幼可父女子  
 嫁浮梁尉崔叔寶將以今年十月自河陰啓  
 葬汝之臨汝之汝原葬下或有於字臨汝下  
 臨吾曰陰陽星曆近世儒莫學獨行簡以其  
 力餘學能各一世舍而從事於人以祔稱葬  
 其父母乞銘以圖長存是真能子矣可銘也  
 遂以銘以圖長存或作圖久長存弘農諱懷仁沂諱瑛襄  
 陽諱某今年實元和六年沂下或有州字

唐河中府法曹張君墓碣銘

李肇國史補云張圓

佐韓弘舊吏弘初秉節事無小大委  
 乏後乃奏既圓多怨言及量移誘至  
 汴州極歡而遣之行次八角店白日  
 殺之然此誌言遇盜途巾亦未嘗  
 略及貶謫之意則國史補未必不可信  
 也○序請銘之意則國史補未必不可信  
 其妻夫人之言為誌歐公多摹此法

有女奴抱嬰兒來致其主夫人之語曰妾張  
 圓之妻劉也劉下或有氏字妾夫常語妾云吾常獲  
 私於夫子且曰夫子天下之名能文辭者凡  
 所言必傳世行後或無夫子字非是今妾不幸夫逢

盜歿途中

逢或作遇

將以日月葬妾重哀其生志

不就恐歿遂沈泯

泯或作名

敢以其稚子泯見先

生將賜之銘

泯下或或有見字或無將字○泯張圓子名

是其歿不

為辱而名永長存所以益覆其遺胤子若孫

且歿萬一能有知將不悼其不幸於土中矣

胤下或有若字

又曰妾夫在嶺南時嘗疾病泣語曰

吾志非不如古人吾才豈不如今人而至於

是而歿於是邪若爾吾哀必求夫子銘是爾

與吾不朽也

古下或無人字○茅坤日講銘凡兩節而意却不一重疊

愈

既哭弔辭遂叙次其族世名字事始終而銘

曰

弔下或有即字今按既辭而遂叙其事蓋一辭而說所謂禮辭者也

君字直

之祖謹父孝新皆為官汴宋間君嘗讀書為

文辭有氣有吏才嘗感激欲自奮拔樹功名

以見世初舉進士再不第因去事宜武軍節

度使得官至監察御史坐事貶嶺南再遷至

河中府法曹參軍攝虞鄉令有能名進攝河

東令又有名遂署河東從事絳州闕刺史攝

絳州事能聞朝廷元和四年秋有事適東方

既還八月壬辰歿于汴城西雙丘年四十有

七明年二月日葬河南偃師日或作庚午或長曆元和五年

二月無庚午若曰庚午則正月晦也葬下或有于字妻彭城人世有衣

冠或無字祖好順泗州刺史父泳卒蘄州別駕

女四人男一人嬰兒沐也是為銘宜先軍

太原府參軍苗君墓誌銘

君諱蕃字陳師漢有陳蕃故蕃字陳師其先楚之族太

夫凶晉而邑於苗世遂以苗命氏楚若敖熊儀生子且

聞伯比伯比生子良子良生越椒字伯楚以罪誅其子貴黃奔晉晉邑之苗後以為氏

其後有守上黨者惠于民卒遂家壺關按潞

黨郡有山其形似壺漢置關於此因立為縣今屬山西潞安府曾太父延嗣

中書舍人延嗣父襲蔓高蹈太父含液舉進

士弟官卒河南法曹延嗣二子含澤合液皆登第父穎揚

州錄事參軍君少喪父受業母夫人舉進士

弟貞元十一年登進士弟佐江西使有勞三年使卒貞元

十一年八月以路褒為江西觀察後辟不肯

雷後使李巽獨護其喪葬河南選補太原參

軍河東節度嚴假使職獄平貨滋息吏斂手

韋君烈美卷三十五 二十一

不敢為非年四十有二元和二年六月辛巳  
 暴病卒其妻清河張氏以其年十二月丙寅  
 葬君於洛陽平陰之原以曆推之丙寅為其月十九日男三  
 人執規執矩必復其季生君卒之三月韓諱  
 世系表苗襲蔓生延嗣延嗣生合液合液生  
 穎穎生蕃蕃生著著生情情生合符合符生  
 生延義又按登科記情長慶二年韓大和元  
 年恪八年台符大中八年延義乾符三年皆  
 相通登弟然有可疑者世系表以情憚恪為  
 蕃之孫誌謂蕃卒於元和二年男女皆幼自  
 元和二年至長慶二年甫十歲遂有孫  
 登弟耶然則世系表蕃之下所謂蕃者誤矣  
 疑情憚恪即蕃之子而執規執矩必復者蕃  
 歿時幼而未名特其小字云爾其後遂為情

憚恪也嗚呼蕃歿時其困如此其後君同生  
 子孫之盛則如此為善者可無怠矣  
 昆弟姊凡三人皆先歿四室之孤男女凡二  
 十人皆幼遺資無十金無田無宮以為歸無  
 族親朋友以為依也天將以是安施邪宮或作家  
 為依或無為字○漢以前以鎰名金漢以後  
 以斤名金鎰者二十四兩斤者十六兩諸史  
 傳中或言百金或言萬金皆以一鎰也  
 銘曰  
 有行以為本有文以為華恭以事其職而勤  
 以嗣其家位卑而無年嗚其奈何





